



Mette Arge-Hammeken
Inatsisartunut ilaasortaq

Pisortat ingerlatsivianni kalaallit oqaasii pillugit § 37 naapertorlugu apeqquut nr. 087/2026-mut akissut

Brevdato: 11-06-2026
Sagsnr. 2026 - 10070
Akt id. 28512321

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

1. Namminersorlutik Oqartussani angutit arnallu agguataarnerat naapertorlugu qassit atorfinitsitaappat?

Namminersorlutik Oqartussani akimuisumik HR-imut atortorissaarummik paasissutissanik taamaattunik piginnittumik peqartoqanngilaq. Aningaasarsianulli atortorissaarummi Akissarsiat anillatsitsinikkut CPR-ip normui assigiinngitsut ukiorlu kaajallallugu atorfeqartut amerlassusaannik naatsorsuisoqarsinnaavoq.

Ukioq kaajallallugu atorfik ukiumut nalunaaquttap akunnerinik 2.080-inik naleqarpoq, taamaalillunilu ukiumi ilivitsumi atorfik naligalugu. Taamaalilluni ukiumi ilivitsumi atorfiup inuk ataaseq naliginngilaa. *Inuit amerlassusaat* CPR-ip normuisa assigiinngitsut amerlaqatigaat. Inuk Namminersorlutik Oqartussanit kommuninillu aningaasarsippat, pineqartoq immikkoortuni taakkunani inuit amerlassusaannik naatsorsuutini ilanngullugu kisinneqassasoq oqaatigineqassaaq. Inuk kommunimit ataatsimit amerlanerusuni atorfeqarnikuuppat, pineqartoq taamaallaat taakkunani ataasiarluni kisinneqassaaq. Taamaalilluni aamma sulisoq ataaseq Namminersorlutik Oqartussani ataasiaannarluni kisinneqassaaq, tassani atorfeqarnerit amerlassusaat apeqquataatinnagu.

Akissarsiat paasissutissat nalunaarsuiffik 1-imi takuneqarsinnaapput.

Nalunaarsuiffik 1. Namminersorlutik Oqartussani atorfillit angutitut arnanullu agguarlugit.

	Ukioq kaajallallugu		Inuit amerlassusaat	
	Angutit	Arnat	Angutit	Arnat
Namminersorlutik Oqartussat	1.278	2.746	2.375	5.183

Nalunaarsugaq: "Namminersorlutik Oqartussat"-ni naalakkersuisoqarfii, aqutsisoqarfii, immikkoortut ataanniittut peqqinnissaqarfilla ilaapput, Nukissiorfinnilu, Asiarni, Danmarkimi Kalaallit Nunaata Sinniisoqarfiani sulisut, oqaaseqartartuni assigisaannilu sulisut ilaanngillat. Suiaassutsinik agguarsimaneq CPR-ip normuinik tunngaveqarpoq, taamaalilluni suiaassutsikkut kinaassutsit allat atorneqamatik. Taamaalilluni immikkoortut atorfinitsitsiviit kisimik aallaavigineqarput, taamaalillunilu sulisup sumut inissisimaffia aallaavigineqamani.

2. Namminersorlutik Oqartussat allaffissuani angutit arnallu agguataarnerat naapertorlugu kalaallisut danskisullu (dobbeltsproget i skrift og tale) oqaasillit allassinnaasullu %-inngorlugu qassiuppat?

a. Angutit arnallu agguataarnerat naapertorlugu kalaallisut oqalussinnaangitsut allassinnaangitsullu %-inngorlugu qassiuppat?

Pisortani sulisut kalaallit danskillu oqaasiinik piginnaanerannik qitiusumik nalunaarsuiffeqanngilaq. Taamaammat Naalakkersuisut paasissutissanik Namminersorlutik Oqartussani sulisut qanoq amerlatigisut tamakkiisumik kalaallit danskillu oqaasiinik allattarlutillu oqaluttarnerannik pigisaqanngillat.

Assinganik sulisut qanoq amerlatigisut kalaallisut oqalussinnaanatillu allassinnaangitsut pillugit ataatsimut paasissutissanik pigisaqartoqanngilaq.

Tassunga atatillugu pisortatut oqartussat sulisutik pillugit paasissutissanik nalunaarsuineri suliatigut tunngavilersugaassapput, paasissutissanillu illersuinissamik maleruagassat sinaakkutaasa iluanni pisussaallutik. Tamanna isumaqarpoq, Namminersorlutik Oqartussat piginnaasanik nalunaarsuineri atortorissaarummik peqaraluarpataluunniit, Namminersorlutik Oqartussat sulisut oqaatsitigut piginnaasaannik nalunaarsuisinnaassanngillat, aatsaalli tamatumani paasissutissat taamaattut atorfinitsitsinermut atorfirmilluunniit isumaginninnermi pisariaqarpata.

Tamatuma saniatigut oqaatsitigut piginnaasat atorfinitsitsinermut atorfillu ataasiakkaat isumaginerannut atatillugu nalilersorneqartarput, tassanilu pisariaqartitsinermi suliaqarfiit atuuffiillu malillugit pisariaqartitsineq nikerartarpoq. Tamanna atorfinitsitsinermi inatsisitigut malittarisassat kaajallaasitalu naapertorlugit pisarpoq.

3. Pisortat suliffeqarfiutaanni angutit arnallu agguataarnerat naapertorlugu katillugit sulisut qassiuppat sineriak tamaat isigalugu?

Apeqqummi kommunit sulisui ilaatinneqarnersut erseqqinngilaq. Akissummili taama isumaqartoqarpoq.

Nalunaarsuiffik 2-mi Namminersorlutik Oqartussat kommunillu sulisui *ukioq kaajallallugu atorfeqartutut* inuillu amerlassusaattut kisinneqarput. Nalunaarsuiffimmi immikkoortitsinernut atorneqartunut apeqqu 1 innersuussutigineqarpoq.

Nalunaarsuiffik 2. Namminersorlutik Oqartussani kommuninilu atorfillit arnanut angutinullu agguarlugit

	Arsværk		Antal personer	
	Mænd	Kvinder	Mænd	Kvinder
Kommunit	2.519	5.186	4.420	8.886
Namminersorlutik Oqartussat	1.278	2.746	2.375	5.183
Katillugit	3.797	7.931	6.336	12.806

4. Pisortat suliffeqarfiutaanni angutit arnallu agguataarnerat naapertorlugu kalaallisut danskisullu (dobbeltsproget) oqaasillit %-inngorlugu qassiuppat?

a. Kalaallisullu tamakkiisumik oqalussinnaangitsut %-inngorlugu qassiuppat?

Apeqqu 2-mut akissut innersuussutigineqarpoq.

5. Naalackersuisut kalaallisut oqaatsivut Namminersorlutik Oqartussat Allaffissuani pisortallu suliffeqarfiutaanni atorneqarnerulernissaannik qanoq anguniagaqarpat?

Oqaatsinut politiki ilinniartitaanermut, Kulturimut, Timersornermut ilageeqarnermullu Naalackersuisoqarfimmi (IKTIN) inissisimavoq. Taamaammat apeqqutip akineqarnissaanut IKTIN qinnuigineqarpoq, kingornalu taakku ima paasissutissiipput:

"Namminersorlutik Oqartussani pisortallu suliffeqarfiutaanni kalaallit oqaasiisa annertunermik atorneqarnissaannik, Naalackersuisut pingaarnertut anguniagaqarput, taannalu Oqaatsinut politiki pillugu Inatsisartut inatsisaannik nr. 7, 19. maj 2010-meersumik tunngaveqarpoq.

Inatsisartut inatsisaanni kapitali 2-mi Kalaallit Nunaani oqaatsinut politikimut tunngaviusutut sinaakkutit aalajangersarneqarput:

- *Kalaallit oqaasiisa pisortatigoortumik oqaasiuneri pisortatigullu ingerlatsinermi atorneqarnissaat, § 3-mi aalajangersarneqarpoq. Peqatigisaanik sumiorpaluutit pingaarnertut pingasut (Avanersuarmitut, Tunumiusut, Kitaamiusullu) akuerineqarput. Danskit oqaasi suli pisortanut atatillugu atorneqarsinnaapput, tuluillu oqaasii kiisalu allamiut oqaasii pisariaqartitsineq malillugu atorneqarsinnaapput.*
- *Pisortani oqartussaasut suliffeqarfiillu anginerit oqaatsinut politikimik suliaqarnissaannik, § 4-mi peqquneqarput. Taanna ilaatigut oqaatsitigut piginnaasanik nalunaarsuinerimik, attaveqarnermut malitassianik sulisullu oqaatsitigut ineriartornissaannut anguniakkanik imaqassaaq. Tamatuma saniatigut sulisitsisup sulisut oqaatsinik ilinniartitaanissamik, kalaallillu kulturiannut inuiaqatigiinnullu ilisarititsinissaq akisussaaffigaa.*

Kapitalimi tassani Naalackersuisut kalaallit oqaasiinik atuinerup annertusarnissaanik anguniagaqarnerannik apeqqummut akissummik erseqqissumik ikorfartuivoq. Oqaatsinut politiki pillugu Inatsisartut inatsisaatigut pisortat ingerlatsivianni kalaallit oqaasiisa nukittorsarnissaanik tunngaviusumik ulluinnarnilu sinaakkummik aalajangersaasoqarpoq:

- *§ 3-mi kalaallit oqaasiisa pisortani pingaarnertut oqaaserineqarnissaannik anguniagaq aalajangersarneqarpoq.*
- *§ 4-mi anguniagaq taanna piumasaqaatitut sukumiisunngortinneqarpoq, pisortammi suliffeqarfiini oqaatsinut politiki ingerlanneqarlunilu sulisut oqaatsitigut piginnaasaat ineriartortinneqartussaapput.*

Taamaalilluni kapitalimi Naalackersuisut taamaallaat pingaarnertut anguniagaqannginnerat, aammali Namminersorlutik Oqartussani suliffeqarfinnilu pisortanit pigineqartuni kalaallit oqaassisa annerusumik

*atornissaannik qulakkeerinnittussamik inatsisitigut aalajangersimasunik
piumasaqaateqartoqarpoq.*

*Naalackersuisut oqaatsinik politikimik suliaqarnissamik ilitsersuutaat
Naalackersuisut nittartakkakut qupperneranniippoq
www.naalackersuisut.gl.*

*Namminersorlutik Oqartussat qitiusumik allaffeqarfissuarmi oqaatsinut
politikimik suliaqarput. Qitiusumik allaffeqarfissuup tassannga
allannguiniarneranik, IKTIN paasissutissaateqanngilaq.*

*Apeqqutip 5-ip akineqarnissaanut ilapittuutissanik qinnuiginnittoqarmat,
IKTIN-ip immikkoortumi inatsit atuuttoq, immikkoortumi pingaarnertut
aalajangersaasoq innersuuppaa."*

Naalackersuisutut akissut taanna innersuuppara, allamilu ilassutissaqarnanga.

Inussiarnersumik inuulluaqqusillunga

Aqqaluaq B. Egede